

1 2 8

Na temelju članaka 5. i 29. Zakona o Vladi Tuzlanskog kantona („Službene novine Tuzlanskog kantona”, br. 17/00, 1/05, 11/06, 13/11), a u svezi s člankom 35. stavak 1. Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona”, br. 10/08), Vlada Tuzlanskog kantona, na prijedlog Kantonalne uprave civilne zaštite, na sjednici održanoj 16.01.2014. godine, donosi

U R E D B U  
**O ORGANIZIRANJU SLUŽBI ZAŠTITE I SPAŠAVANJA  
U TUZLANSKOM KANTONU**

**I. OSNOVNE ODREDBE**

**Članak 1.**

**(Predmet Uredbe)**

Ovom Uredbom određuju se pravne osobe, odnosno udruge u kojima se formiraju službe zaštite i spašavanja, koje će djelovati na području Tuzlanskog kantona (u daljem tekstu: Kanton), vrste službi koje se formiraju, utvrđuju zadaci tih službi, način popune službe ljudstvom i materijalno-tehničkim sredstvima, određuje organ civilne zaštite Kantona koji će zaključiti ugovor sa pravnom osobom, odnosno udrugom, o međusobnim pravima i obvezama u obavljanju poslova zaštite i spašavanja kada se angažiraju za potrebe Kantona i druga pitanja od značaja za organizaciju i rad tih službi.

**Članak 2.**

**(Službe kao suvremene snage civilne zaštite)**

Službe zaštite i spašavanja organiziraju se i opremaju na način da budu suvremene i posebno organizirane snage civilne zaštite, koje raspolažu suvremenom opremom koja omogućava da mogu odgovoriti zahtjevima zaštite i spašavanja ljudi i materijalnih dobara kada budu ugroženi prirodnom ili drugom nesrećom.

**Članak 3.**

**(Angažiranje službi zaštite i spašavanja)**

(1) Angažiranje službe zaštite i spašavanja na vršenju operativnih mjera zaštite i spašavanja iz njihove nadležnosti,

vrše ravnatelj Kantonalne uprave civilne zaštite (u daljem tekstu: ravnatelj Uprave) i Kantonalni štab civilne zaštite (u daljem tekstu: Kantonalni štab), na način utvrđen Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH”, br. 39/03, 22/06 i 43/10) (u daljem tekstu: Federalni zakon), u sljedećim situacijama:

a) kada se primijete opasnosti ili pojave koje mogu dovesti do nastanka prirodne ili druge nesreće, a koje zahtijevaju provođenje mjera i aktivnosti na sprečavanju nastanka te prirodne ili druge nesreće ili ublažavanja njenog djelovanja;

b) od momenta kada nadležni organ vlasti proglasi stanje prirodne ili druge nesreće, što zahtijeva provođenje akcija zaštite i spašavanja ugroženih ljudi i materijalnih dobara, do otklanjanja posljedica koje su nastale djelovanjem te prirodne ili druge nesreće, odnosno do dana kada nadležni Kantonalni štab naredi prestanak njihovog rada ili do dana kada se donese odluka o prestanku stanja prirodne ili druge nesreće;

c) za vrijeme vježbi civilne zaštite i drugih oblika obuke u civilnoj zaštiti i za vrijeme eventualnog ratnog stanja.

(2) Operativne mjere zaštite i spašavanja provode se u fazi spašavanja i u fazi otklanjanja posljedica koje su nastale djelovanjem prirodne ili druge nesreće.

(3) Preventivne mjere zaštite i spašavanja neposredno provode pravne osobe u kojima su formirane službe zaštite i spašavanja, u okviru vršenja svoje redovne djelatnosti, na način utvrđen posebnim propisima.

#### Članak 4.

##### (Uvjeti za formiranje službe zaštite i spašavanja)

(1) U cilju stvaranja uvjeta da se u svim slučajevima nastanka prirodne ili druge nesreće na bilo kom dijelu područja Kantona može osigurati odgovarajuća zaštita i spašavanje ljudi i materijalnih dobara, formiraju se određene službe zaštite i spašavanja na razini Kantona.

(2) Polazna osnova za odlučivanje o formiranju službi zaštite i spašavanja je Procjena ugroženosti od prirodnih i drugih nesreća u Tuzlanskom kantonu (u daljem tekstu: Procjena ugroženosti Kantona), u kojoj su utvrđene potrebe i određene društvene oblasti (privredne i društvene djelatnosti) u kojima treba formirati službe za provođenje preventivnih i operativnih mjera zaštite i spašavanja, za koje općine, zbog nepostojanja uvjeta, ne mogu formirati te službe ili ne mogu formirati dovoljan broj tih službi.

(3) Službe zaštite i spašavanja formiraju se u pravnim osobama i u udrugama, koje ispunjavaju sljedeće uvjete:

a) da je njihova djelatnost, ili dio djelatnosti, od značaja za zaštitu i spašavanje ljudi i materijalnih dobara od prirodnih i drugih nesreća,

b) da imaju stručne kadrove i odgovarajuću opremu, tehnička i druga sredstva, koja omogućavaju vršenje poslova iz nadležnosti službe zaštite i spašavanja,

c) da imaju mogućnosti pružiti ispomoć službama zaštite i spašavanja koje formira općina, kada se naredi njihovo angažiranje na tim zadacima.

(4) Formiranje službi zaštite i spašavanja u pravnim osobama, koje ispunjavaju uvjete iz stavka (3), može se izvršiti na sljedeće načine:

a) da se u pravnoj osobi formira poseban organizacioni dio, koji bi vršio funkciju službe zaštite i spašavanja ili

b) da se cijela pravna osoba odredi za službu zaštite i spašavanja.

(5) Formiranjem službe zaštite i spašavanja ne mijenja se unutarnja organizacija i način rada pravne osobe, odnosno udruge, koja je utvrđena za obavljanje njihove redovne djelatnosti.

#### Članak 5.

##### (Područje djelovanja službe zaštite i spašavanja)

Službe zaštite i spašavanja, predviđene ovom uredbom, namijenjene su da djeluju na području cijelog Kantona, u svim slučajevima kada službe zaštite i spašavanja, jedinice i druge

organizirane snage civilne zaštite općine, na čijem području je nastala prirodna i druga nesreća, nisu dovoljne da brzo i efikasno izvrše sve zadatke na zaštiti i spašavanju ugroženih ljudi i materijalnih dobara, u odnosu na poslove za koje su nadležne te službe, a sukladno odlukama i naredbama ravnatelja Uprave i Kantonalnog štaba.

## II. PRAVNE OSOBE I UDRUGE U KOJIMA SE ORGANIZIRAJU SLUŽBE ZAŠTITE I SPAŠAVANJA

#### Članak 6.

##### (Određivanje subjekta u kojim se organizira služba zaštite i spašavanja)

Prije određivanja pravnih osoba i udruga u kojima će se formirati službe zaštite i spašavanja, Kantonalna uprava civilne zaštite (u daljem tekstu: Kantonalna uprava) je dužna utvrditi koje pravne osobe i udruge imaju uvjete za organiziranje službe, sukladno članku 4. stavak (3) Uredbe, kao i potrebe za tim službama utvrđene u Procjeni ugroženosti iz članka 4. stavak (2) Uredbe.

#### Članak 7.

##### (Službe zaštite i spašavanja na području Kantona)

Suglasno odredbama članka 8. Pravilnika o organiziranju službi zaštite i spašavanja i jedinica civilne zaštite, njihovim poslovima i načinu rada („Službene novine Federacije BiH”, broj: 77/06), na području Kantona organiziraju se sljedeće službe zaštite i spašavanja, i to:

### 1. SLUŽBA ZA RADILOŠKO-KEMIJSKO-BIOLOŠKU ZAŠTITU (RHB ZAŠTITU)

Ova služba formira se u sklopu Zavoda za javno zdravstvo Tuzlanskog kantona.

Služba za RHB zaštitu će vršiti operativne mjere i radnje zaštite i spašavanja radi sprečavanja, ublažavanja i otklanjanja posljedica od djelovanja RHB agensa na pogodnom području, i to:

a) U fazi spašavanja:

- poduzima mjere da organ unutarnjih poslova izvrši blokiranje svih prilaznih puteva, regulira promet u toj zoni i udalji sve osobe iz zone opasnosti;

- vrši izvlačenje i dekontaminaciju povrijeđenih i oboljelih ljudi i ugroženih materijalnih dobara;

- organizira pružanje prve pomoći i iznošenje povrijeđenih ljudi iz ugrožene zone, te transport do najbliže zdravstvene ustanove;

- pravovremeno obavještava građane o nastanku nesreće i mjerama koje treba poduzimati na zaštiti ljudi i materijalnih dobara;

- poduzima mjere na osobnoj kolektivnoj zaštiti povrijeđenog, oboljelog i ugroženog stanovništva RHB agensima;

- vrši evakuaciju građana s područja ugroženog RHB sredstvima;

- organizira aktivnosti na gašenju požara i spašavanju zatrpanih ljudi iz ruševina, ako je to u svezi s djelovanjem RHB sredstava;

- stalno prati i utvrđuje stupanj kontaminata, kao i meteo-uvjete i kretanje kontaminata, te obavještava stanovništvo o tome.

b) U fazi otklanjanja posljedica:

- angažira se na RHB zaštiti i dekontaminaciji ljudi, životinja, objekata, materijalnih dobara i zemljišta;

- potražuje od nadležnog štaba civilne zaštite da naredi angažiranje dodatnih stručnih osoba za RHB zaštitu i potrebnih materijalno-tehničkih sredstava;

- utvrđuje obim posljedica koje su nastale djelovanjem RHB sredstava;

- vrši dezinfekciju, dezinsekciju i deratizaciju na pogodnom području.

## 2. SLUŽBA ZA SPAŠAVANJE NA VODI I POD VODOM

Ova služba formira se u Udruzi građana - Ronilački klub „Vidara“ Gradačac.

Služba za spašavanje na vodi i pod vodom vrši operativne mjere zaštite i spašavanja, koje se odnose na spašavanje ljudi i materijalnih dobara na vodi i pod vodom na pogođenom području, i to:

- a) U Fazi spašavanja:
  - vrši spašavanje ljudi i materijalnih dobara iz poplavljenih područja;
  - osigurava prijevoz ljudi i materijalnih dobara preko rijeka, jezera i poplavljenih područja;
  - vrši snabdijevanje poplavom ugroženog stanovništva potrebnim namirnicama i drugim sredstvima radi preživljavanja;
  - spašava materijalna dobra;
  - izvlači leševe ljudi i životinja ispod vode;
  - vrši i druge radnje pod vodom i na vodi od značaja za spašavanje ugroženih ljudi i materijalnih dobara.

- b) U Fazi otklanjanja posljedica:
  - vrši angažiranje stručnjaka i spasilačkih timova na izvršavanju zadataka zaštite i spašavanja ljudi i materijalnih dobara na pogođenom području,
  - učestvuje u saniranju posljedica izazvanim poplavama, ispumpavaju vodu iz poplavljenih objekata, uklanjanju neeksplozivnih ubojnih sredstava koja se nalaze u rijekama i drugo;
  - pruža pomoć drugim službama i pravnim osobama u saniranju posljedica.

## 3. SLUŽBA ZA SPAŠAVANJE IZ RUŠEVINA

Ova služba formira se u: "DENALM-COMPANY" D.O.O. Lukavac

Služba za spašavanje iz ruševina vrši operativne mjere zaštite i spašavanja, koje se odnose na sprečavanje rušenja, odnosno spašavanje ljudi i materijalnih dobara koja su ugrožena srušenim ili oštećenim stambenim zgradama i drugim objektima na pogođenom području, i to:

1. U Fazi spašavanja:
  - obavlja radnje i postupke na izviđanju ruševina, pronalaženju i spašavanju ljudi zatrpanih u ruševinama i vrši raščišćavanje ruševina;
  - vrši vizuelnu i tehničku kontrolu oštećenih i porušenih objekata;
  - vrši osiguranje oštećenih i pomjerenih dijelova konstrukcija zgrada i objekata radi sprečavanja zarušavanja (podgrađivanje, proširivanje i slično);
  - vrši raščišćavanje ruševina kada dođe do rušenja stambenih i drugih objekata;
  - organizira izvlačenje materijalnih dobara izvan zona rušenja;
  - organizira kontrolirano rušenje objekata koji se ne mogu sanirati;
  - poduzima mjere na prevoženju i deponiranju građevinskog šuta i raščišćavanju i osposobljavanju komunikacija do objekata;
  - vrši kategorizaciju objekata u odnosu na obim oštećenja i utvrđuje neophodne sanacione radove, u cilju sprečavanja rušenja oštećenih objekata od njihovog naknadnog rušenja;
  - vrši djelimičnu sanaciju oštećenih stambenih i drugih objekata;
  - organizira izgradnju privremenih objekata za smještaj i zaštitu ugroženog i nastradalog stanovništva, zaklona i skloništa, usjeka, šahova, tunela i protivpožarnih prepreka.

2. U Fazi otklanjanja posljedica:
  - organizira aktivnosti na stvaranju smještajnih stambenih i drugih uvjeta za život ljudi na pogođenom području;
  - vrši prikupljanje podataka i utvrđivanje obima posljedica koje su nastale djelovanjem prirodne ili druge nesreće na stambene i druge zgrade i objekte na pogođenom području.
  - pruža pomoć drugim službama i pravnim osobama u saniranju posljedica.

## 4. GORSKA SLUŽBA SPAŠAVANJA

Ova služba formira se u Udruzi građana - Klub ekstremnih sportova „SUMMIT“ Banovići i Udruzi građana „Gorska služba spašavanja“ Srebrenik.

Služba za spašavanje sa visina vrši operativne mjere zaštite i spašavanja u planinama, na stijenama, speleološkim objektima i drugim nepristupačnim mjestima, pri nepovoljnim vremenskim uvjetima (snijeg, hladnoća, led, magla i slično), kada pri spašavanju treba primijeniti posebno stručno znanje i upotrijebiti odgovarajuću opremu za spašavanje na pogođenom području, i to:

- a) U Fazi spašavanja:
  - otklanjanje neposredne opasnosti u planinama i drugim nepristupačnim područjima, koja mogu ugroziti ljude na određenom području;
  - vršenje potrage za izgubljenim ljudima u planinama i drugim nepristupačnim područjima;
  - spašavanje ljudi iz podzemnih objekata, litica i kanjona;
  - spašavanje ljudi u urbanim sredinama (visokim objektima, tunelima, cijevima, u prometnim nesrećama), te kod ekstremnih športova;
  - spašavanje ljudi na urednim i neurednim skijalištima, penjalištima i drugim objektima i prostorima u prirodi, za vrijeme specifičnih športskih, turističkih, rekreativnih, kulturoloških i drugih aktivnosti u prirodi i planinskom području, te speleološkim objektima;
  - pretraga i spašavanje ljudi iz lavina i smetova, te provođenje preventivnih mjera u svezi s opasnostima od snježnih lavina i smetova;
  - učešće u sustavu traganja i spašavanja za nestalim zrakoplovima i drugim prometnim sredstvima u planinama, strmim dijelovima obale rijeka i jezera i drugim nepristupačnim područjima;
  - organizira transport povrijeđenih i oboljelih ljudi sa planina i drugih nepristupačnih područja, te podnošenje zahtjeva nadležnim službama za helikopterski transport, posredstvom nadležnog operativnog centra, osim kada organizator aktivnosti osigurava prisustvo pripadnika gorske službe spašavanja i helikopter;
  - vrši spašavanje ljudi na visinama i visokim objektima u slučaju zemljotresa, vremenskih nepogoda i drugih nesreća na nepristupačnim prostorima;
  - vrši spašavanje ljudi u nesrećama u slučaju loših vremenskih uvjeta, uz primjenu posebnih stručnih znanja i tehničke opreme za spašavanje.

- b) U Fazi otklanjanja posljedica:
  - poduzima aktivnosti i postupke kojima se umanjuje nepovoljan učinak nesreće prilikom spašavanja ugroženih ljudskih života;
  - ostvaruje suradnju i koordinaciju s organima civilne zaštite i drugim pravnim i fizičkim osobama u poduzimanju postupaka za spašavanje ljudskih života i imovine u složenom pristupu unesrećenom i pružanje prve pomoći na nepristupačnim područjima, uz primjenu odgovarajuće tehnike i opreme.

## 5. SLUŽBA ZAŠTITE OD POŽARA

Ova služba formira se u Javnom poduzeću „Međunarodni aerodrom Tuzla“ u Tuzli.

Služba zaštite od požara vrši operativne mjere zaštite i spašavanja koje se odnose na zaštitu šuma i usjeva, stambenih i drugih zgrada i objekata i druge imovine od požara na pogodnom prostoru, i to:

- a) U fazi spašavanja:
- organizira dojavu i izvještavanje o mjestima gdje je došlo do pojave požara;
  - utvrđuje pravac kretanja požara i određuje snage i sredstva potrebne za gašenje požara;
  - određuje najpogodnije pravce kretanja protivpožarnih (vatrogasnih jedinica) do mjesta požara;
  - vrši evakuaciju mašina i uređaja, kao i životinja, koje se u tom trenutku nalaze na ugroženom području;
  - sukladno mogućnostima vrši gašenje požara;
  - surađuje s drugim snagama angažiranim na gašenju požara;
  - vrši nadzor i organiziranje gašenja požara svih snaga na gašenju požara;
  - vrši spašavanje ljudi iz zadimljenih i zapaljenih prostorija i evakuira ljude iz objekata koji se nalaze ispred fronta požara;
  - vrši sprečavanje prenošenja vatre na okolne objekte;
  - u vršenju poslova ostvaruje suradnju s vatrogasnim jedinicama koje djeluju na području požara.

- b) U fazi otklanjanja posljedica:
- utvrđuje obim nastalih šteta na području koje je zahvaćeno požarom, u suradnji s komisijama za procjenu šteta;
  - nakon gašenja požara osigurava prostor na kojem je bio požar;
  - učestvuje u uklanjanju uništenog rastinja na području koje je zahvaćeno požarom.

## 6. SLUŽBA ZA SPAŠAVANJE U RUDNICIMA

Ova služba formira se u Javnom poduzeću „Elektroprivreda BiH“ D.D. Sarajevo - ZD Rudnici „Kreka“ D.O.O. Tuzla.

Služba za spašavanje u rudnicima vrši operativne mjere zaštite i spašavanja, koje se odnose na zaštitu i spašavanje ljudi i materijalnih dobara u rudnicima od eksplozije metana, ugljene prašine, jamskih požara, prodora zagušljivih i otrovnih plinova, vode, obrušavanja i drugih potencijalnih opasnosti u rudniku u koje se desila nesreća, i to:

- c) U fazi spašavanja:
- vrši izvlačenje i spašavanje radnika ugroženih eksplozijom metana, ugljene prašine, jamskih požara, prodora zagušljivih i otrovnih plinova, vode, obrušavanja i drugim nesrećama u rudarskim jamama;
  - vrši izvlačenje povrijeđenih i poginulih rudara;
  - vrši pružanje prve pomoći povrijeđenim i njihov transport do zdravstvene ustanove;
  - stvara uvjete za vršenje neophodnih poslova u jamskim prostorijama;
  - učestvuje u privremenom saniranju posljedica nesreće, u cilju olakšanja akcije spašavanja;
  - po potrebi, vrši angažiranje spasilačkih službi drugih rudnika i institucija na pružanju pomoći pogodnom rudniku.
- c) U fazi otklanjanja posljedica:
- pruža pomoć pri utvrđivanju posljedica koje su nastale djelovanjem eksplozije metana, ugljene prašine i drugih nesreća u rudnicima;
  - učestvuje u provođenju sanacije posljedica rudarskih nesreća u pogodnom rudniku.

## Članak 8

### (Nadležnost Kantonalne uprave u određivanju subjekta od značaja)

(1) Pored službi iz članka 7. ove uredbe, Kantonalna uprava određuje udruge i nevladine organizacije, čija je djelatnost od značaja za zaštitu i spašavanje, i sa tim udrugama i organizacijama može zaključiti ugovor o načinu i uvjetima njihovog angažiranja na zadacima zaštite i spašavanja na području Kantona, koje time imaju status službe zaštite i spašavanja.

(2) U ugovoru iz stavka 1. ovoga članka utvrđuju se prava i obveze o međusobnim odnosima u angažiranju tih udruga i nevladinih organizacija na zadacima zaštite i spašavanja, kao i obveze Kantonalne uprave prema tim udrugama i organizacijama, koje se odnose na osiguranje određenih finansijskih sredstava za nabavu opreme i drugih sredstava rada, koja su potrebna za rad tih udruga i organizacija na zadacima zaštite i spašavanja.

## III. ZADACI NA FORMIRANJU, OPREMANJU, POPUNI I ANGAŽIRANJU SLUŽBI ZAŠTITE I SPAŠAVANJA

### Članak 9.

#### (Nadležnost subjekta u kojem se formira služba zaštite i spašavanja)

Rukovoditelj pravne osobe, odnosno udruge iz članka 7. ove uredbe, u kojem se formira služba zaštite i spašavanja, u suradnji s Kantonalnom upravom, ima obvezu da:

- a) svojim aktom formira službu, odredi rukovoditelja službe i broj pripadnika službe;
- b) izvrši popunu službe zaposlenicima pravne osobe, odnosno članovima udruge koji su obučeni i osposobljeni za vršenje poslova iz nadležnosti službe;
- c) utvrdi potrebe u opremi, tehničkim i drugim sredstvima rada, koja su neophodna za rad službe zaštite i spašavanja i da poduzima mjere za osiguranje te opreme i sredstava;
- d) organizira i provodi obučavanje pripadnika službe za uspješno vršenje poslova zaštite i spašavanja iz nadležnosti službe;
- e) u roku od tri mjeseca od potpisivanja ugovora iz članka 13. Uredbe izradi vlastite procedure rada za procese djelovanja u slučajevima angažiranja na zadacima zaštite i spašavanja iz nadležnosti službe.

### Članak 10.

#### (Djelovanje službe zaštite i spašavanja u provođenju mjera zaštite i spašavanja)

Službe zaštite i spašavanja iz članka 7. Uredbe, poslove iz svoje nadležnosti vrše u fazi nastanka prirodne ili drage nesreće i u fazi otklanjanja i saniranja nastalih posljedica, a zadatke u funkciji preventivne zaštite ostvaruju u okviru obavljanja redovne djelatnosti u pravnoj osobi, odnosno udrugama u kojima su formirane.

### Članak 11.

#### (Financiranje rada službe zaštite i spašavanja)

(1) U cilju stvaranja uvjeta da službe zaštite i spašavanja, iz članka 7. Uredbe, mogu vršiti poslove zaštite i spašavanja iz svoje nadležnosti, Kantonalna uprava je dužna planirati odgovarajuća sredstva u Proračunu Kantona, kao i dio sredstava iz posebne naknade za zaštitu i spašavanje, koje će se koristiti za nabavu opreme i tehničkih sredstava neophodnih za rad tih službi, te za obučavanje i osposobljavanje njihovih članova.

(2) Finansijska sredstva iz stavka 1. ovoga članka, osiguravaju se samo za financiranje onog dijela aktivnosti službi zaštite i spašavanja, koje će one vršiti kao dio dodatne djelatnosti u funkciji zaštite i spašavanja ljudi i materijalnih dobara od prirodnih i drugih nesreća, odnosno koje su ovom uredbom i ugovorom iz članka 13. Uredbe stavljeni u nadležnost tih službi.

(3) Raspodjelu sredstava iz stavka 1. ovoga članka, na pojedine službe zaštite i spašavanja, s podacima o vrsti i količini sredstava koja treba nabaviti utvrđuje Kantonalni štab, na prijedlog Kantonalne uprave, a u okviru zadataka iz stavka 2. ovoga članka

i sukladno programu razvoja, godišnjim financijskim planom i godišnjim programom rada tih službi.

#### **Članak 12.**

##### **(Korištenje opreme i tehničkih sredstava)**

Pravne osobe i udruge iz članka 7. Uredbe, u kojima su formirane službe zaštite i spašavanja, opremu i tehnička sredstva, nabavljena iz sredstava članka 11. Uredbe, mogu koristiti za obavljanje svoje redovite djelatnosti, s tim da su dužni osigurati efikasno funkcioniranje službi zaštite i spašavanja kada se naredi njihovo angažiranje, što se bliže uređuje ugovorom iz članka 13. Uredbe.

#### **Članak 13.**

##### **(Reguliranje prava i obveza)**

(1) Kantonalna uprava će s pravnim osobama i udrugama iz članka 7. Uredbe, i udrugama i nevladinim organizacijama iz članka 8. Uredbe, zaključiti ugovor o međusobnim pravima i obvezama i utvrditi konkretne zadatke službi u pitanjima zaštite i spašavanja ljudi i materijalnih dobara od prirodnih i drugih nesreća, kao i način djelovanja službi kada ravnatelj uprave i Kantonalni štab donesu odluku ili naredbu o njihovom angažiranju na zadacima zaštite i spašavanja na području Kantona.

(2) Zaključivanje ugovora iz stavka 1. ovoga članka, vrši se onda kada Kantonalna uprava utvrdi da je pravna osoba, odnosno udruga ispunila uvjete iz članka 9. Uredbe, a pravna osoba i udruga koja ne ispunjuje te uvjete, nema status službe zaštite i spašavanja.

#### **Članak 14.**

##### **(Način uporabe službe zaštite i spašavanja)**

(1) Uporabu službi zaštite i spašavanja, iz članka 7. Uredbe, na zadacima zaštite i spašavanja, u uvjetima iz članka 10. Uredbe, u vrijeme i na mjestu za njihovo djelovanje na području Kantona, naređuju ravnatelj Uprave i Kantonalni štab, sukladno Federalnom zakonu.

(2) Kada ravnatelj Uprave ili Kantonalni štab narede angažiranje službi zaštite i spašavanja, rukovoditelji pravnih osoba i udruge iz članka 7. Uredbe, u kojima su formirane službe zaštite i spašavanja, dužni su poduzeti sve potrebne mjere kojima će osigurati da službe pravovremeno dođu na mjesto određeno odlukom ili naredbom ravnatelja Uprave ili Kantonalnog štaba i da mogu vršiti zadatke iz svoje nadležnosti.

(3) Službe zaštite i spašavanja, iz članka 7. Uredbe, angažiraju se onda kada Vlada Tuzlanskog kantona proglasi nastanak prirodne

ili druge nesreće na području Kantona, a iznimno, angažiranje tih službi može se izvršiti i prije proglašenja prirodne ili druge nesreće, a cijeni se da nije potrebno vršiti aktiviranje Kantonalnog štaba, u slučaju kada prijete neposredna opasnost od nastanka prirodne ili druge nesreće, u cilju poduzimanja odgovarajućih mjera na sprečavanju nastanka te opasnosti ili nesreće ili ublažavanja njihovog djelovanja.

#### **Članak 15.**

##### **(Aktivnosti Kantonalne uprave na osposobljavanju službe zaštite i spašavanja)**

Kantonalna uprava će poduzimati odgovarajuće aktivnosti na formiranju službi zaštite i spašavanja, iz članka 7. Uredbe, njihovoj popuni ljudstvom i materijalno-tehničkim sredstvima, obučavanju i stručnom osposobljavanju i u tim pitanjima pružati odgovarajuću stručnu i drugu pomoć i starati se da službe budu osposobljene za vršenje zadataka za koje su formirane, a pravne osobe i udruge građana, iz članaka 7. i 8. Uredbe, su dužna postupiti po zahtjevima Kantonalne uprave.

#### **IV. PRIJELAZNE I ZAVRŠNE ODREDBE**

#### **Članak 16.**

##### **(Primjena)**

Službe zaštite i spašavanja, iz Članka 7. Uredbe, formirat će se u roku od jedne godine od dana stupanja na snagu ove Uredbe.

#### **Članak 17.**

##### **(Zajednički interes)**

Kantonalna uprava je dužna pružiti odgovarajuću stručnu pomoć općinskim službama civilne zaštite, radi pravilnog i blagovremenog formiranja službi zaštite i spašavanja općine.

#### **Članak 18.**

##### **(Stupanje na snagu)**

Ova uredba stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina  
- Federacija Bosne i Hercegovine -  
TUZLANSKI KANTON  
VLADA

PREMIJER KANTONA

Scad Čaušević, v.r.

Broj: 02/1-44-032062/13  
Tuzla, 16.01.2014. godine



# SLUŽBENE NOVINE TUZLANSKOG KANTONA

GODINA 24 • TUZLA, ČETVRTAK, 28. DECEMBAR 2017. GODINE • IZDANJE NA BOSANSKOM JEZIKU • BROJ 18

## 750

Na osnovu članova 5 i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11) i člana 35. stav 1. Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona“, br. 10/08 i 8/15), na prijedlog Kantonalne uprave civilne zaštite, Vlada Tuzlanskog kantona, na sjednici održanoj 28.11.2017. godine, donosi

## U R E D B U

### O IZMJENAMA I DOPUNAMA UREDBE O ORGANIZOVANJU SLUŽBI ZAŠTITE I SPAŠAVANJA U TUZLANSKOM KANTONU

#### Član 1.

U Uredbi o organizovanju službi zaštite i spašavanja u Tuzlanskom kantonu („Službene novine Tuzlanskog kantona“, broj: 2/14), (u daljem tekstu: Uredba), u članu 4. stav (3) tačka c) mijenja se, i glasi:

„c) da su u stanju samostalno ili kao ispomoć službama zaštite i spašavanja koje formira općina, na odgovarajući način postupiti kada se naredi njihovo angažovanje na utvrđenim zadacima.“

#### Član 2.

U članu 4. stav (4) iza riječi „pravnim osobama“ dodaju se riječi „i udruženjima“.

U tački a) istog stava iza riječi „pravnoj osobi“ dodaju se riječi „i udruženju“.

U tački b) istog stava iza riječi „pravna osoba“ dodaju se riječi „i udruženje“.

#### Član 3.

U članu 5. iza riječi „Kantona,“, dodati riječi „samostalno i“.

#### Član 4.

U članu 7. podnaslov „1. SLUŽBAZARADIOLOŠKO-HEMIJSKO-BIOLOŠKU ZAŠTITU (RHB ZAŠTITU)“, mijenja se i glasi:

„1. SLUŽBAZABIOLOŠKO-HEMIJSKU ZAŠTITU (BH ZAŠTITU)“

U cijelom tekstu tačke 1. riječ „RHB“, mijenja se riječju „BH“

U službi pod rednim brojem 2. u stavu 1. riječ „građana“ briše se.

U stavu 2., tačka b), alineja 1. mijenja se i glasi:

„ – zajednički djeluje i saraduje, a po potrebi vrši koordinaciju, sa angažovanim stručnjacima i spasilačkim timovima na izvršavanju zadataka zaštite i spašavanja ljudi i materijalnih dobara na pogodnom području,“.

U službi pod rednim brojem 3. u stavu 1. umjesto teksta „DENALM-COMPANY“ D.O.O. Lukavac“, treba da stoji „CESTOTEHNIK“ d.o.o. za građevinarstvo Tuzla“.

U službi pod rednim brojem 4. stav 1. mijenja se i glasi:

„Ova služba formira se u Udruzi „Gorska služba spašavanja“ Srebrenik.“

Tačka 6. sa naslovom „Služba za spašavanje u rudnicima“, briše se u cjelosti.

#### Član 5.

U članu 9. u tački c) ispred postojećeg teksta dodaje se tekst, koji glasi:

„izvrši popunu službe materijalno tehničkim sredstvima (MTS) i“

U tački d) ispred postojećeg teksta dodaje se tekst, koji glasi:

„utvrdi godišnji program rada službe, a posebno da u okviru istog“.

#### Član 6.

Ova uredba stupa na snagu danom donošenja, a objavit će se u „Službenim novinama Tuzlanskog kantona“.

Bosna i Hercegovina  
- Federacija Bosne i Hercegovine -  
TUZLANSKI KANTON

PREMIJER KANTONA

VLADA

Bego Gutić, v.r.

Broj: 02/1-44-027317-3/17

Tuzla, 28.11.2017. godine

275

На основу чланова 5 и 29. Закона о Влади Тузланског кантона („Службене новине Тузланског кантона”, бр. 17/00, 1/05, 11/06, 13/11 и 15/17), а у вези са чланом 35. став 1. Закона о заштити и спасавању људи и материјалних добара од природних и других несрећа у Тузланском кантону („Службене новине Тузланског кантона”, бр. 10/08 и 8/15), Влада Тузланског кантона, на приједлог Кантоналне управе цивилне заштите, на сједници одржаној дана 29.04.2019. године, д о н о с и

**УРЕДБУ**  
**О ДОПУНИ УРЕДБЕ О**  
**ОРГАНИЗОВАЊУ СЛУЖБИ ЗАШТИТЕ**  
**И СПАШАВАЊА**  
**У ТУЗЛАНСКОМ КАНТОНУ**

**Члан 1.**

У Уредби о организовању служби заштите и спасавања у Тузланском кантону („Службене новине Тузланског кантона”, бр. 2/14 и 18/17), у члану 7., на крају текста, додаје се текст:

**„6. СЛУЖБА ЗА СПАШАВАЊЕ У ОКВИРУ**  
**ДЈЕЛАТНОСТИ ЦРВЕНОГ КРСТА**

Ова служба формира се у Црвеном крсту Тузланског кантона.

Служба за спасавање у оквиру дјелатности Црвеног крста (у даљем тексту: Служба ЦК) врши оперативне мјере заштите и спасавања, и то:

а) У Фази спасавања:

- учествује и помаже у организовању и пружању социјалне и здравствене помоћи и заштите у случају природних и других несрећа и епидемија, у оквиру својих овлашћења из ових области;
- учествује у прихвату, смјештају и другим активностима око збрињавања настрадалог и угроженог становништва;
- организује акције добровољног даривања крви, заједно са надлежним службама и установама;
- организује, заједно са другим субјектима, исхрану за угрожено становништво;

- организује психо-социјалну подршку становништву;
- прикупља, прихваћа и расподјељује хуманитарну помоћ од других националних организација Црвеног крива/крста и других хуманитарних организација и даривалаца;
- координира и проводи ванредне акције солидарности на подручју свог дјеловања, у које се укључују друге хуманитарне организације, правна лица и грађани;
- учествује по потреби у тражењу несталих лица, које организују надлежне службе или органи;
- помаже стара и изнемогла лица и лица са посебним потребама;
- сарађује са осталим службама заштите и спасавања на збрињавању повријеђених и обољелих, те другим активностима заштите и спасавања.
- проводи остале мјере које могу допринијети збрињавању становништва.

б) У Фази отклањања посљедица:

- ангажује стручне тимове социјалне и здравствене заштите који ће радити на отклањању посљедица;
- организује прикупљање хуманитарне помоћи за потребе становника са подручја захваћеног природном или другом несрећом;
- учествује у тражењу и евидентирању несталих лица у природној или другој несрећи и спајању породица;
- пружа помоћ другим службама и правним лицима у санирању посљедица из своје надлежности.”

**Члан 2.**

Ова уредба ступа на снагу даном доношења, а објавиће се у „Службеним новинама Тузланског кантона”.

БОСНА И ХЕРЦЕГОВИНА  
Федерација Босне и Херцеговине  
ТУЗЛАНСКИ КАНТОН  
Б Л А Д А

ПРЕМИЈЕР КАНТОНА  
Јакуб Суљкановић, с.р.

Број: 02/1-44-7552-2/19  
Тузла, 29.04.2019. године







# SLUŽBENE TUZLANSKOG

\*  
KANTONALNA UPRAVA CZ  
UL. BOSNE SREBRENE BR. 31.  
75000 TUZLA KOM. 1.

GODINA 27 • TUZLA, ČETVRTAK, 24. DECEMBAR 2020. GODINE • IZDANJE NA BOSANSKOM JEZIKU • BROJ 18

1109

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17) i člana 35. stav 1. Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona“, br. 10/08 i 8/15), Vlada Tuzlanskog kantona, na prijedlog Kantonalne uprave civilne zaštite, na sjednici održanoj 10.11.2020. godine, donosi

## UREDBU

o dopuni Uredbe o organizovanju službi zaštite i spašavanja u Tuzlanskom kantonu

### Član 1.

U Uredbi o organizovanju službi zaštite i spašavanja u Tuzlanskom kantonu („Službene novine Tuzlanskog kantona“, br. 2/14, 18/17 i 5/19), u članu 7. na kraju teksta, dodaje se tekst:

#### “7. SLUŽBA ZA IZVIĐANJE I OSMATRANJE IZ ZRAKA

Ova služba formira se u udruženju Aeroklub „Tuzla“.

Služba za izviđanje i osmatranje iz zraka vrši operativne mjere zaštite i spašavanja, i to:

##### a) U fazi spašavanja:

- izviđanje i snimanje iz zraka;
- traganje i spašavanje;
- protivpožarno djelovanje (rano otkrivanje i brzo inicijalno djelovanje);
- omogućava hitnu medicinsku pomoć;
- prevoz ljudi i sredstava;
- održavanje veze i koordinacija aktivnosti;
- dostavu materijala spasilačkim timovima na terenu (ograničeno izbacivanje iz letjelice).

##### b) U fazi otklanjanja posljedica:

- upravljanje, kontrolu i održavanje veze;
- dostavljanje najnužnije humanitarne pomoći za stanovnike sa područja zahvaćenog prirodnom ili drugom nesrećom;
- obavještanje iz zraka pomoću letaka;
- učestvuje u traženju nestalih lica u prirodnoj ili drugoj nesreći;
- pružanje pomoći drugim službama i pravnim licima u saniranju posljedica iz svoje nadležnosti.

#### 8. SLUŽBA ZA LOGISTIKU

Ova služba formira se u Udruženju „HO Međunarodni forum solidarnosti - Emmaus“ Dobož Istok.

Služba obavlja operativne mjere zaštite i spašavanja koje se odnose na ustrojstvo i način osiguranja hrane, odjeće, obuće i drugih roba široke potrošnje kao i humanitarne pomoći za nastradalo i ugroženo stanovništvo, i to:

##### a) U fazi spašavanja:

- organizuje blagovremeno dopremanje roba široke potrošnje i humanitarne pomoći do objekata predviđenih za raspodjelu nastradalom stanovništvu;
- preuzima mjere za efikasno skladištenje i distribuciju hrane i drugih potreba za život uz eventualno pružanje prve pomoći stanovništvu na pogodnom području.

##### b) U fazi otklanjanja posljedica:

- angažuje timove za snabdijevanje na pogodnom području;
- preuzima mjere za pravilnu i kontinuiranu raspodjelu pomoći nastradalom stanovništvu dok se ne stvore uslovi za normalizovanje života ljudi na pogodnom području;
- pruža pomoć drugim službama i pravnim licima u saniranju posljedica.

#### 9. SLUŽBA ZA INFORMISANJE I MEDIJSKU PODRŠKU

Ova služba formira se u Javnom preduzeću Radio televizija Tuzlanskog kantona d.o.o. Tuzla.

Služba za informisanje vrši preventivne i operativne mjere zaštite i spašavanja, koje se odnose na informisanje i masovnu edukaciju stanovništva na području Tuzlanskog kantona, radi sprečavanja nastanka prirodnih i drugih nesreća i djelovanja u periodu prirodne i druge nesreće, i to:

##### a) U fazi preventivnog djelovanja:

- prati i informiše stanovništvo o svim aktivnostima Vlade Tuzlanskog kantona, Kantonalnog štaba civilne zaštite i Kantonalne uprave civilne zaštite iz oblasti zaštite i spašavanja, te drugim aktivnostima koje se provode kao preventivne mjere zaštite i spašavanja ljudi i materijalnih dobara;
- priprema i emituje program edukativnog sadržaja za stanovništvo iz oblasti zaštite i spašavanja.

##### b) U fazi spašavanja:

- obavještava stanovništvo o načinu preduzimanja mjera za sprečavanje nastanka štetnih posljedica za ljude i materijalna dobra;
- prati rad struktura zaštite i spašavanja na terenu u toku trajanja prirodne i druge nesreće;
- pruža informacijsku i medijsku podršku Kantonalnom štabu civilne zaštite i Kantonalnoj upravi civilne zaštite u rukovođenju akcijama zaštite i spašavanja;
- priprema konferencije za medije.

##### c) U fazi otklanjanja posljedica:

- informiše stanovništvo o mjerama za umanjene nepovoljnog učinka nesreće.“

### Član 2.

Ova uredba stupa na snagu danom donošenja, a objavit će se u “Službenim novinama Tuzlanskog kantona”.

BOSNA I HERCEGOVINA  
-Federacija Bosne i Hercegovine -  
TUZLANSKI KANTON  
V L A D A

PREMIJER KANTONA

Prof. dr. Denijal Tulumović, v.r.

Broj: 02/1-40-22350-2/20  
Tuzla, 10.11.2020. godine